

Kuala Lumpur: Perdana Menteri Tan Sri Muhyiddin Yassin mengajak seluruh umat Islam terus bermunajat ketika diuji dengan wabak Covid-19 serta dalam usaha memulihkan ekonomi negara dan memperkuh perpaduan dalam kalangan rakyat.

Menurut Muhyiddin, ujian itu seharusnya mengukuhkan iltizam untuk lebih mengasahi dan mendekati diri kepada ajaran Rasulullah SAW yang tidak pernah melupakan umatnya.

"Saban tahun, kita memperingati tarikh kelahiran Nabi Muhammad SAW sebagai bukti kasih dan sanjungan terhadap risalah perjuangan serta pengorba-

nan Baginda SAW terhadap umatnya.

"Tema sambutan pada tahun ini adalah Ummah Rabbani Negara Harmoni. Tema ini dipilih untuk menggambarkan peri pentingnya sifat Rabbani dan kepatuhan hamba kepada Pencipta yang akhirnya akan membawa kepada keharmonian ummah dan negara.

"Rasulullah SAW merupakan sebaik-baik teladan yang memiliki sifat-sifat Rabbani dan akhlak terpuji, yang tiada tolok bandingnya dan menjadi rujukan dalam kehidupan manusia. Ini sebagaimana firman Allah SWT

yang bermaksud: "Demi sesungguhnya, adalah bagi kamu pada diri Rasulullah itu contoh ikutan yang baik" (Surah Al-Ahzab: 21)," katanya dalam perutusan sempena sambutan Maulidur Rasul dimuat naik menerusi hantaran di Facebook (Fb), semalam.

Dalam pada itu, Muhyiddin turut mengajak seluruh umat Islam memperbanyakkan selawat ke atas Rasulullah SAW sempena sam-

butan Maulidur Rasul.

"Saya ingin mengajak saudara dan saudari sekalian untuk memperbanyakkan selawat ke atas junjungan besar Nabi Muhammad SAW, menghayati sirah serta berusaha sedaya upaya untuk mencontohi sunnah insan yang sangat mulia dan kita kasihi ini.

"Semoga dengan usaha ini kita akan beroleh sebanyak mungkin keberkatan dan keredaan Allah SWT serta kita semua

digolongkan dalam kalangan umat yang sentiasa dikasihi dan kelak akan menerima syafaat Rasulullah SAW, Insha-Allah.

"Alhamdulillah, segala puji bagi Allah tuhan sekalian alam, selawat dan salam ke atas Junjungan Besar Nabi Muhammad SAW, ahli keluarga serta para sahabat Baginda sekalian," katanya.

Menerusi hantaran sama, Muhyiddin turut memuji usaha Jabatan Kemajuan Islam Malaysia (Jakim) dalam menggerakkan kempen Malaysia Berselawat membabitkan peserta terdiri daripada rakyat Malaysia.

"Difahamkan, kempen itu dianjurkan untuk merakam selawat dalam bentuk video pendek yang dikongsi di media sosial masing-masing dengan hashtag #SemarakCintaRasul serta tag laman sosial Jakim.

"Ini bukan sahaja inisiatif yang sangat baik dan berseesuaian dengan amalan norma baharu yang perlu kita laksanakan dalam kehidupan seharian, bahkan yang lebih utama melambangkan bukti kasih sayang kita kepada baginda Rasulullah melalui amalan berselawat ke atas Nabi SAW," katanya.

Muhyiddin ajak umat Islam terus bermunajat

“
Rasulullah SAW
merupakan
sebaik-baik
teladan
Muhyiddin